

— جيت امتى امبارح يا أحمد .. أنتظرتك كثير .. وسهرت  
جنب الشسباك .. نمت على لحم بطنى يا عينى .. أنت رجعت  
امتى ؟

— لا مؤاخذة يا زنوبة هاتم .. اتفضلى انت .. بعدين ..  
فيه موضوع جد .. مشغولين .

— النبى قبل الهدية .. فین علام .. أنت يا علام .

( يظهر علام .. يضـع يديه خلف ظهره .. ويقف امامها  
صامتا .. )

— نعم .. قلنا صايين .. عاملين اضراب عن الطعام ..  
يلزم خدمة .. حضرته الاستاذ ايهاب أخو خطيبة الاستاذ ..

— آه .. عن اذنكم .

( تمشى على مهل .. وبطريقة مغيظة .. عند الباب تلتقى  
بنادية .. تتأملها .. ثم تخرج )

— حصل ايه يا أحمد .. مين الست دى ؟ فيه ايه يا ايهاب ؟  
كنت جاية من الصبح .. خالى عبد الشكور قعد يسألنى .. عن  
الصحة .. والخطوبة .. والأخبار .. لما طلع روحى .. اتخلصت  
منه بصعوبة .

— أحمد كان بيغرق التماثيل .. وقبضوا عليه .

— يا خبر .. عملتها يا أحمد ؟

— يعنى كنت عارفة

— ما كنت أتصور انه كلام جد .. عانت عليك يا أحمد ..  
تهد كل ما عملته ..